



## **Universitätsbibliothek Paderborn**

### **Praxis Episcopalis**

In Qva Episcoporum Non Tantvm, Eorvmqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolviones ... quām brevissimè  
continentur

**Zerola, Tommaso**

**Coloniae Agrippinae, 1680**

Haeretici.

**urn:nbn:de:hbz:466:1-10447**

## FESTA.

**P**rimò, Festum Visitationis beatæ Virginis quando fuit institutum, videlicet Bon. IX. Bull. 1. vide Illustrissimum Cardinalem Baronium in Martyrologio.

Secundò, de festo sanctissimi Corporis Christi, ejus celebratione, & indulgentiis, vide Mart. V. Bull. 6. que incipit, Ineffabile, & Eugen. IV. Bull. 4. que incipit, Excellentissimum.

Tertiò, an Episcopus possit inducere festa quæcunque voluerit populo servanda?

Respondetur, quod si nova, vel vetera, quæ omissa fuerant, voluerit populo indicere, debet habere populum laudantem, id est, consensum illius, Navar. conf. 6. num. 31. de constitut. ita etiam de jejuniis, & ita ego consului in Conc. provinciali Amalphitano.

## GABELLA.

**C**lericus vendens bona, quæ facit in rebus suis, si vendit ea in territorio suo, non tenetur portorium, seu gabellas solvere, licet sint impositæ in eoterritorio juridice: similiter si mittit ea dono extra territorium, non tenetur solvere gabellas, fallit si causa nego-  
tiationis, Nav. conf. 4. nu. 3. de im-  
munit. Eccles.

\*\*\*

## HORÆ CANONICÆ.

**E**piscopus potest etiam sub poena excommunicationis latæ sententia præcipere clericis, ut adsint Horis Canonicis, in casu notabilis negligencie, Host. in sum. tit. de sent. exc. §. quis valeat.

## HÆRETICI.

**P**rimò, Hæreticos inquisitos non potest Episcopus torquere, nec ad diffinitivam contra eos procedere, nisi consultatis Inquisitoribus, Nav. conf. 1. de hæret. nu. 3. & praxis est, fabricato processu informatorio, consulere Illu-

K 3 stripsi-

strissimum Cardinalera Præfectum officio sanctæ Inquisitionis, & exinde expectare responsum, & ita vidi practicari, & practicavi.

Secundò, hæreticorum libros legens non incurrit excommunicacionem latam in Bulla Cœnæ Domini, contra hæreticos, sed incurrit excommunicationem latam contra legentes libros hæreticorum sine licentia Sedis Apostolicae, Nav. conf. 5. nu. 1. loc. cit. sed in clausula Bullæ Cœnæ Domini excommunicantur Papali excom. verùm Navar. potest intelligi, quando ex curiositate, non malo animo, prout in præl. mea pœnit. cap. 2. 1. q. 20.

Tertiò, hæreticalia verba, vel male sonantia, etiam facetè & jocosè dicta, potest cognoscere, & castigare Episcopus, prout exemplificat Navar. consil. 8. loc. cit.

Quartò, an Episcopus vigore cap. 6. sess. 2. 4. Concil. Trident. possit absolvere ab hæresi occulta, vel casibus reservatis à summo Pontifice, etiam in Bulla Cœnæ Domini?

Respondeatur, quod aliqui dixerunt per Bul. Cœnæ Domini esse derogatum dicto decreto, ut est videre in præl. mea pœnit. cap. 2. 2. quæst. 4. tamen dico, quod potest à casibus Bullæ occultis absolvere Episcopus, & licet de hæresi occulta videatur dubitare, Navar. consil. 10. num. 2. ver. ad secundam, tamen, quia, ut ipse ait sic sacram Congreg. censuisse, & ego vidi dictam declarationem, tamen succedente casu, dico, & ipse etiam tener, quod posset Episcopus, quod etiam confirmat ex his,

quæ dicit in conf. 11. ubi tenet, quod hanc absolvendi facultatem possit Episcopus concedere suo Vicario generali, & particulari concessione, vide in d:præl. mea pœnit. loc. cit. & superiorius in ver. absolutio, §. 8. & præl. pœnit. cap. 15. qu. 19.

### HOMICIDA.

Primò, homicida, an sit ipso iure privatus beneficio? Respondeatur, quod non, ut patet in ver. privatio, & juribus vulgatis, Cap. Tolos. qu. 207. si vero homicidium precedat collationem beneficii, collatio est nulla, quia fit persona inhabili, c. fin. de temp. ord. Conc. Trid. sess. 14. c. 1. de reform. & dicitur in ver. resignatio, §. 2.

Secundò, homicida, & delicta, pro quibus præda sanguinis venit imponenda, non audiuntur, nisi in carceribus constituti. Pius IV. Bull. 68. qua incepit, & si justa, Jul. II. Bull. 11.

Tertiò, homicida non potest ad locum delicti accedere, nisi prius habuerit pacem hæredum occisi, Pius IV. Bull. 80.

### IMMUNITAS ECCLESIASTICA.

Prætor extrahens hominem malefactorem ab Ecclesia, tenetur eundem in eandem Ecclesiam restituere, alioquin punitur pœnis impositis contra violantes ecclesiasticam immunitatem, Nav. conf. 1. de immun. Eccles. imd de jure civili imponitur pœna ultimi supplicii, Azo. in sum. lib. 1. cod. rub. 15. nn. 2.

IN-